

Uunga siunnersuut:

Efterskolit aamma paarlaasseqatigiittarnermut tapiissutit pillugit Inatsisartut inatsisaata allanngortinneqarnera pillugu Inatsisartut inatsisaat
(Savalimmiuni efterskolimiinnermut aamma fagskolini namminersortuniinnermut tapiissutit)

§ 1

Efterskolit pillugit Inatsisartut inatsisaat nr. 13 , 5. december 2008-imeersumi, Inatsisartut inatsisaatigut nr. 17, 3. december 2012-imeersukkut, allanngortinneqartumi makkua allanngortinneqarput:

1. Qulequtaata taaguutaa ima oqaasertaqalerpoq:

"Efterskolit aamma atuarfiit ilaanni najugaqarnermut aamma paarlaasseqatigiilluni nunami allamiinnermut tapiissuteqartarnej pillugit Inatsisartut inatsisaat".

2. Kapitali 5-mi qulequtaq ima oqaasertalerneqassaaq:

"Danmarkimi Savalimmiunilu efterskolimiinnermut, Danmarkimi fagskolini namminersortuniinnermut aamma paarlaasseqatigiinnernut tapiissuteqartarnej".

3. § 20 imatut oqaasertalerneqassaaq:

" § 20. Naalakkersuisut Danmarkimi Savalimmiunilu efterskolernermi kiisalu Danmarkimi fagskolini namminersortuniinnermi aningaasartuutitut tapiissuteqarsinnaapput, tassunga ilanngullugit atuartut akiliutaasa ikilisinneqarnerinut tapit, kiisalu atuartut angalanerini aningaasartuutit akilissallugit, tak. § 15, imm. 1 aamma 2. Tapiissutit tamarmiusut amerlassusaat ukiut tamaasa Aningaasanut Inatsimmi aalajangersarneqartarput.

Imm. 2. Danmarkimi Savalimmiunilu efterskolernermit kiisalu Danmarkimi fagskolini namminersortuniinnermut tapiissutinik tapiiffigineqarsinnaanermut akuersissutit pillugit Naalakkersuisut aalajangersaassapput, matumani tapiissutinik tiguisinnaanermut piumasaqaatit, tapiissutit annertussusissaat, isertitat naapertorlutit nalimmassaasinnaaneq, qinnuteqariaatsit kiisalu naammagittaalliorsinnaaneq ilanngullugit."

§ 2

Inatsisartut inatsisaat ulloq 1. januar 2026 atuutilissaaq.

Namminersorlutik Oqartussat, ulloq xx. xx 2025

Naalakkersuisut Siulittaasuat